



Klein Lochieland

Nuusbrief Graad R en RR

Lourensrivierweg / Posbus 124
STRAND
Tel: 021-8548592
E-pos:
adminkleinlochieland@lochnerhof.co.za

2025-01-31

Liewe Ouers

OUERKOMITEE

Baie geluk aan die ouers wat Dinsdag- en Woensdagaand by die oueraande tot die Ouerkomitee verkies is. Ons sal volgende week, ná die eerste Ouerkomiteevergadering, die name met hul onderskeie portefeuljes bekend maak.

D6 KOMMUNIKASIE

- **FINANSIES:** Die administratiewe personeel is druk besig met die D6 Finansies en familiekodes kan reeds deurgegee word. Kontak vir Tania Clark by info@lochnerhof.co.za
Alle ouers moet reeds teen Maandag, 3 Februarie, twee paaierente vir hul kleuters betaal het. Moet asb. nie agter raak nie en kontak asb. die finansiële sekretaresse by finansies@lochnerhof.co.za indien u probleme ervaar.
Alle betalings van skoolgelde moet asb. die familiekode wat aan u toegewys is vergesel, bv. 01234 – Van en Naam van kind
- **KOMMUNIKASIE:** Die nuusbrief word slegs op die D6 gelaai. Dit is ons amptelike kommunikasie-middel met ons ouers.

TOELATINGS 2026

Aansoek om toelating vir gr. RR vir 2026 is oop. Vorms is by die skool beskikbaar. Slegs aansoeke met die vereiste dokumentasie sal ingeneem word.

WASLAP/T-HEMP/VOORSKOOT

Waslape en voorskote bly by die skool en is reeds deur die onderwyseresse gemerk. **Onthou asb. om u kleuter se skoolhempie duidelik te merk.**

Daar is ekstra skoolhempies beskikbaar teen R120-00 per hempie.

SPRAAK- en ARBEIDSTERAPIE SIFTINGS

Vorms vir spraak- en arbeidsterapiesiftings is by die oueraande uitgegee en verduidelik. **Ons beveel dit ten sterkste vir alle kinders aan.** Dit gee ouers die gemoedsrus dat hulle kinders geen uitvalle het nie. Koste hieraan verbonde is minimaal en die aanbod word nie weer herhaal nie. Stuur asb. so spoedig moontlik die vorms terug skool toe indien u belangstel of kontak u onderwyseres indien u twyfel.

SONBLOK/HOEDE

Onthou asb om kleuters in te smeer voor hul skool toe kom. Personeel kan ongelukkig nie hierdie taak ook behartig nie; dit neem te veel van die onderrigtyd in beslag. Moedig asb. u kleuters aan om hoede te dra. Hier is 'n hele paar gesiggies wat reeds baie in die son gebrand het.

PARKERING/PADPATROLLIE

Ons wil 'n ernstige beroep op ouers doen om asb nie soggens op die sypaadjie oorkant die skool te parkeer nie. Die eienaars het reeds 'n e-pos na die skool gestuur om te vra dat ons dit aanspreek. Die verkeersafdeling was ook reeds een oggend hier om boetes uit te skryf. Ons besef die parkering is 'n groot probleem rondom die skool en almal se geduld word beproef, maar hierdie is een manier om jou kleuter van geduld en deursettingsvermoë te leer. Die ekstra paar treë na die hek, kan gebruik word as 'n manier om die kleuters rustig te verduidelik hoe hulle dag gaan verloop.

Baie dankie aan al die ouers wat hulself beskikbaar gestel het om met die padpatrollie te help. Hierdie is in belang van elke Klein Lochieland kleuter en ons waardeer jul opoffering geweldig baie!

BELANGRIKE DATUMS vir FEBRUARIE:

7 FEBRUARIE	GRAAR R AANTREK DAG
11 FEBRUARIE	INSTAPPIE GRAAD R EN RR (Koste: R40-00 per kleuter) Incredible Dog Show
20 FEBRUARIE	GRAAD RR FOTODAG
21 FEBRUARIE	GRAAD R FOTODAG
28 FEBRUARIE	GRAAD RR INSTAPPIE (Koste: R40-00 per kleuter) FANSA kom gesels oor SINTUIE

GRAAD R-INLIGTING:

SKOOLSPORT VIR GRAAD R

Netbal:	Onthou om tekkies in te pak
Tennis:	Bring jou eie raket (daar is slegs 'n paar ekstra's); balle word verskaf Onthou om tekkies in te pak
Hokkie:	Bring jou eie hokkiestok (daar is slegs 'n paar ekstra's); balle word verskaf Onthou om tekkies in te pak
Krieket:	Toerusting word verskaf
Rugby:	Balle word verskaf

By netbal, tennis en hokkie moet die kinders tekkies aanhê. Hulle gaan nie op die bane toegelaat word met kaalvoete nie.

VRYDAG 7 FEBRUARIE: AANTREK DAG!

Om by ons tema van die week aan te pas, gaan ons Vrydag, 7 Februarie, 'n aantrekdag hê: Kleuters moet aantrek soos ma, pa, ouma of oupa. Hulle geniet dit baie en ons is altyd verstom oor die ouers se kreatiwiteit!

Ons tema vir volgende week is:

MY FAMILIE

Ons persepsies is: Kleur:

Geel

Getal:

1 en een

Klank:

a-klankie

Assesserings:

Herken eie naam

Rygwerk

Onderskei tussen lank en kort; groot en klein

Maandag 3 Februarie:

Stuur asb. 'n foto van u gesin. Ons sal dit weer na die week terug stuur.

Bring prentjies wat met 'n a-klankie begin, bv. appel, akker, ens.

Dinsdag 4 Februarie:

Juffrou Janita van die Beerjieklass verjaar. Baie geluk!

Woensdag 5 Februarie:

Trek asb. 'n **geel** hemp, broek of rokkie aan om geel vas te lê
OUERKOMITEEVERGADERING vir die nuut verkose lede om 18:30 in Klein Lochieland se musiekkamer

Donderdag 6 Februarie:

Ons teken ons familie

Candice, ons skoonmaker, verjaar. Baie geluk!

Vrydag 7 Februarie:

Aantrekdag! Trek soos pa, ma, ouma of oupa aan

Lekkertjedag (slegs Vrydae)

Laaste dag vir R40 inbetalings vir Incredible Dog Show

GRAAD RR-INLIGTING:

Ons tema vir volgende week is:

MY LIGGAAM

Ons persepsies is: Kleur:

Groen

Vorm:

Vierkant

Getal:

1

Klank:

b-klankie

Maandag	3 Februarie:	Ons teken 'n mannetjie
Dinsdag	4 Februarie:	Ons maak 'n papierbord-gesiggie
Woensdag	5 Februarie:	Trek asb. iets groen aan om die kleur groen vas te lê OUERKOMITEEVERGADERING vir die nuut verkose lede om 18:30 in Klein Lochieland se musiekkamer
Donderdag	6 Februarie:	Pak asb. 'n vierkantbroodjie vir u kind in om die vierkant vas te lê Candice, ons skoonmaker, verjaar. Baie geluk!
Vrydag	7 Februarie:	Laaste dag vir R40 inbetalings vir Incredible Dog Show Trek skoolhempies aan, asb Lekkerdiedag (slegs Vrydae)

Geniet u naweek!

Vriendelike groete
Klein Lochieland Personeel